

*Na mudarde les*⁴⁸

Mi day but razpravinelas asal e komitchenge. Ahmime sine. Isine dasa da, roma da, horahaya da. Akhe akana te vakeras mashkar amende, o rom, kay mudarelas e manushen – ov sine peske rom atar mahala. I dazhe pomnina va kay mi day vakere las kate si e voyvodaskoro mimoro, e nay-bareskoro atar komitcha. Kato hulesa ko purane dasikane mimorya da, so hulesa atar udar, napravo si leskoro mimoro – but baro pametnikos kerde leske i leski snimka – chhorentsa.

Dalkha komitcha avenas lengere khereste te han, te pien. Me dayakoro dad sine phirno manush, kovachi. Ulo barvalo rom. Mi day lichno pendzharelas e komitchen. Oy togava uli tsikni, desh–deshuduy breshengiri. Seko masek po ekhvar zhanas lende. Chuka zhanas li avere manushende da, hamaste–piimaste.

Akana ekh dives pale o komitcha gele lende. I ekh zhen o lendar, halyas pes me dayakere boryasa. Oy sine shukar romni. Enos so prandisalile me dayakere phralesa. I o komita kay hala pes e boryasa, oy vednaga pishtindzhas i chuka sare ahavde. Lazhandili. Togava o nay-baro, o voyvodas, vakere la lakere romeske:

– Hale tuke sablya i mangava te chhines leskiri men, akana! Mangava te anes leskoro shoro athe te dikhav, kay chaches mudardzhan les!

I me dayakoro phral lela dolkhe manushes i ikalela les naavri. Shukar, ama ov zhi akana na mudardzhas manushes, akana sar ka mudarel! Nashti mudarela les.

Avri ki avlin ulo len nesavo hambari i mo dayos garavela e komitas othe. Lela leskere shehya i melyarela len ratesa – dimi kato zhanas lende dolkha komitya, mo papus chhinelas ya bakres, ya kahnyen, ya chhi aver. I dolkhe rateste melyarela o shehya, chhingerela len e sablyasa i ingalela len khere te sikavel len, se edno mudardzhas les. Hulela andre i phenela:

– Me nashti chhinava leskoro shoro, ama ake!

I chhivela anglal ko baro o shehya. Akava kato dikhlas, uspokoyosalilo i pale lile te han te pien, seedno nishto na ulo, bisterde les veche. I dovka manush, davka das. kova trebeshe te merel, achhilo blagodarno. I achhilo

⁴⁸ **Tahir Mustafov Yuseinov – TAHIRI.** Byando si ando Blagoevgrad. Kate beshela pe byan i pnastar – 1956 b. Isi les VIII klas. Horahano rom. Bashalno.